

De matin, ai rescountra lou trin

Paroles de Domergue, curé d'Aramon



De matin, Ai rescountra lou trin
De tres grand Rei qu'anavoun en voiaji



De matin, Ai rescountra lou trin



De tres grand Rei dessus lou grand camin :



Ai vist d'abord De gardo-cors,
De gen arma em'uno troupo de pagi,



Ai Ai vist d'abord De gardo-cors,
Touti dauras dessus sei justaucors.

II

Lei drapeou
 Qu'eroun segur fort beou,
 Ei ventoulet servien de badinagi ;
 Lei cameou,
 Qu'eroun segur fort beou,
 Pourtavoun de bijou touti nouveou ;
 E lei tambou,
 Per faire ounour,
 De tems en tems fasien brusi soun tapagi ;
 E lei tambour,
 Per faire ounour,
 Batien la marché chascun a soun tour.

III

Dins un char
 Daura de touto part,
 Vesias lei Rei moudeste coumo d'angi ;
 Dins un char
 Daura de touto part,
 Vesias briha de riches estandard ;
 Ausias d'aubois,
 De bellei vois
 Que de moun Diou publicavoun lei louangi ;
 Ausis d'aubois
 De bellei vois
 Que disien d'er d'un amirable chois.

IV

Esbahi
 D'entendre aco d'aqui,
 Me siou rangea per veire l'equipagi ;
 Esbahi
 De veire aco d'aqui,
 De luen en luen leis ai toujours segui ;
 L'astre brihant
 Qu'ero davan,
 Servie de guido, en menant lei tres Rei Magi ;
 L'astre brihant
 Qu'ero davan,
 S'arreste net quant fougue vers l'Enfant.

V

Soun intra
 E se soun prousterna,
 A douei ginoux, li disien sei priero ;
 Soun intra
 E se soun prousterna,
 Davant lou Rei qu'es nouvelament na ;
 Gaspard d'abord
 Presento l'or,
 E dis : Moun Diou, sias lou soulet Rei de gloiro ;
 Gaspard d'abord
 Presento l'or,
 E dis pertout que ven cassa la Mort.

VI

Per present
 Melchior oufre l'encen,
 En li disent : Sias lou Diou deis armado ;
 Per present
 Melchior oufre l'encen ,
 Disent : Sias Rei, et sias Diou tout ensen,
 La paoureta,
 L'umilita,
 De vousto amour soun lei provo assegurado ;
 La paoureta,
 L'umilita
 N'empachoun pas vouesto Divinita.

VII

Quant a lou,
 N'en plouri, moun bouen Diou !
 En sangloutant vous presenti la mirro ;
 Quant a lou,
 N'en plouri, moun bouen Diou !
 Li dis Balthasard, pu mouart que viou ;
 Un jour, per nous
 Sus uno crous,
 Coumo mourtaou, fenires mouesti miseri ;
 Un jour per nous,
 Sus uno crous
 Deves mourri per lou salut de tous !

VIII

Au-jour-d'uei,
 Es adoura dei Rei,
 E bateja dei man de Jan Batisto ;
 Au-jour-d'uei,
 Es adoura dei Rei,
 Tout l'univers se soumete a sa mei.
 Dins un festin,
 Rende l'aigo en vin :
 Aqueou miracle es segur ben de requisto ;
 Dins un festin,
 Rende l'aigo en vin :
 Nous manifesto soun poude divin